

РЎЙХАТГА ОЛИНГАН
469-1 - сон
2018 йил 24 май

“ТАСДИҚЛАНГАН”
АТ “Алоқабанк” Бошқарувининг
2018 йил 24 майдаги
144 - сонли баённомаси
Бошқарув Раиси



К.Ирисбекова

“ТОВАРЛАР (ИШЛАР, ХИЗМАТЛАР)НИ ХАРИДЛАРИНИ
ТАШКИЛЛАШТИРИШ ВА ЎТКАЗИШ ТЎҒРИСИДА”ГИ

НИЗОМ

ТОШКЕНТ - 2018

I. УМУМИЙ БЎЛИМ

1. Мазкур Низом Ўзбекистон Республикасининг 2018 йил 09 апрелдаги "Давлат харидлари тўғрисида"ги Қонуни, Ўзбекистон Республикаси Президентининг 2018 йил 22 январдаги "Хўжалик жамиятлари ва стратегик аҳамиятга эга корхоналар фаолиятини қўллаб-қувватлаш чора-тадбирлари тўғрисида"ги ПҚ-3487-сон ва 2018 йил 20 февралдаги "Лойиҳаолди, лойиҳа, тендер ҳужжатлари ва контрактларни экспертизадан ўтказиш тартибини такомиллаштириш чора-тадбирлари тўғрисида"ги ПҚ-3550-сон Қарорлари ҳамда банк Бошқарувиининг 2018 йил 21 майдаги 145-сонли баённомасига асосан ишлаб чиқилган.

2. Мазкур Низом АТ "Алоқабанк" тизимида (бундан буён матнда "Банк") товарлар (ишлар, хизматлар)ни харид қилишни ташкиллаштириш ва ўтказиш тартибини белгилайди.

II. НИЗОМДА ИШЛАТИЛГАН АСОСИЙ ТУШУНЧАЛАР ТАЪРИФИ

3. Харидлар - товарларни (ишларни, хизматлар)ни Банк томонидан пулли асосда олиш.

4. Товарлар (ишлар, хизматлар)ни харид қилинишини таъминлаш бўйича Комиссия - бу банк томонидан тузиладиган ва уларнинг раҳбари томонидан бошқариладиган банкнинг коллегиал органи.

III. НИЗОМНИ АМАЛ ҚИЛИШ ДОИРАСИ

5. Банк жорий ишлаб чиқариш фаолиятида ишлатиладиган, суммасидан қатъий назар, энг яхши таклифларни танлаб олиш йўли орқали, банкда тузилган Харидлар комиссиялари томонидан баҳоланадиган ускуналар, хомашё, материаллар, эҳтиёт қисмлар ва бутловчи буюмларни, шунингдек ишлар ва хизматларни харид қилиш, шу жумладан, импорт шартномаларини тузиш ҳуқуқига эга.

6. Шартнома суммаси 50 000 АҚШ доллари эквивалентидан юқори бўлган товарлар (ишлар, хизматлар)ни харид қилиш Ўзбекистон Республикаси Президентининг 2018 йил 20 февралдаги ПҚ-3550-сон қарорига белгиланган талабларни инобатга олинган ҳолда амалга оширилади.

7. Банк Ўзбекистон Республикаси Президентининг 2018 йил 22 январдаги "Хўжалик жамиятлари ва стратегик аҳамиятга эга корхоналар фаолиятини қўллаб-қувватлаш чора-тадбирлари тўғрисида"ги ПҚ-3487-сон қарорига мувофиқ стратегик харидор бўлиб, Ўзбекистон Республикасининг "Давлат харидлари тўғрисида"ги Қонунининг 1-моддасига мувофиқ ушбу қонун нормалари унга амал қилмайди.

8. Ўзбекистон Республикасининг "Давлат харидлари тўғрисида"ги Қонуни нормалари стратегик харидорга амал қилмаса ҳам ушбу қонун нормаларига мувофиқ амал қилишни тақиқламаганлиги сабабли, Банк ушбу низомда назарда тутилган ҳолларда қонун нормаларида белгиланган талаблар билан ишлаши мумкин.

9. Ушбу Низом ёки Ўзбекистон Республикасининг "Давлат харидлари тўғрисида"ги Қонуни талабларига мувофиқ ўтказиш ҳар бир харид бўйича алоҳида ҳал этилади.

10. Ушбу низомда назарда тутилган ёки Комиссия лозим деб топганида танловлар махсус ишлаб чиқиладиган комиссия томонидан тасдиқланган регламент асосида ўтказилади.

IV. БАҲОЛАШ МЕЗОНИ ВА ТАРТИБ-ТАОМИЛЛАРИГА ТААЛЛУҚЛИ ҚОИДАЛАР

11. Товарлар (ишлар, хизматлар)нинг харидларига тааллуқли баҳолаш мезонлари:

- а) нарх;
- б) етказиб бериш базиси;
- в) етказиб бериш муддатлари;
- г) тавсифномалар ва сифат кўрсаткичлари;

д) тўлов ва кафолатлар шартлари;

е) муайян даврда фойдаланиш, эксплуатация қилиш ва таъмирлаш харажатларини назарда тутати.

V. ТОВАР (ИШЛАР, ХИЗМАТЛАР)НИ ЎТКАЗИШ АСОСЛАРИ

12. Давлат харидлари қўйматининг бозор нархларига мувофиқлигини баҳолаш учун Банк очиқ ахборот манбаларидаги маълумотларидан фойдаланади.

13. Товарлар (ишлар, хизматлар) етказиб берувчини танлаб олишда имкон қадар камида 3 (уч) та танлов иштирокчиларнинг таклифларини солиштирган ҳолда амага оширилади.

VI. ТАНЛОВ ИШТИРОКЧИЛАРИ ТАКЛИФЛАРИНИ КЎРИБ ЧИҚИШ ВА БАҲОЛАШ

14. Товарлар (ишлар, хизматлар)ни харид қилиш Низомнинг 11-бандида келтирилган мезонлар асосида ўрганиб чиқилиб энг мақбулини аниқлаш бўйича товарлар (ишлар, хизматлар)ни харид қилинишини таъминлаш бўйича комиссия томонидан баҳоланади.

15. Келиб тушган таклиф ва эълонлар орқали олинган маълумотлар умумлаштирилиб, ушбу Низомнинг 11-бандида келтирилган мезонлар бўйича ўрганиб чиқилиб, солиштириш орқали улар орасидан энг мақбули танлаб олинади.

16. Агар таклифни киритган танлов иштирокчисининг таклифи танлов ҳужжатлари талабларга мос келмаса ёхуд танлов иштирокчисининг таклифи танлов ҳужжатлари талабларига мос келмаса, Харидлар комиссияси таклифни рад этади.

17. Танлов иштирокчиси томонидан тақдим этилган ҳужжатлардаги ахборот ишончсиз эканлиги аниқланган тақдирда, Харидлар комиссияси бундай иштирокчини харид қилиш тартиб-таомилининг исталган босқичида танловда иштирок этишдан четлатишга ҳақли.

18. Товарлар (ишлар, хизматлар) харид қилиш бўйича танловларда Низомда кўрсатилган мuddатларда танловда белгиланган миқдорда таклифлар келиб тушмаганда ёки оммавий ахборот воситалари ёхуд бошқа манбалардан товарлар (ишлар, хизматлар) ҳақида маълумотлар топилмаганида такрорий танловлар ўтказилиши Комиссия томонидан белгиланган махсус регламент асосида такроран ўтказилади.

VII. ТОВАРЛАР (ИШЛАР, ХИЗМАТЛАР)НИ ХАРИД ҚИЛИНИШИНИ ТАЪМИНЛАШ БЎЙИЧА КОМИССИЯ

19. Товарлар (ишлар, хизматлар)ни харид қилиш, шу жумладан, импорт шартномаларини тузиш суммасидан қатъий назар барча харидлар банкда ташкил этилган товарлар (ишлар, хизматлар)ни харид қилинишини таъминлаш бўйича Комиссия (кейинги ўринларда Харидлар комиссияси деб юритилади) томонидан амалга оширилади.

20. Танлов шартнома харид суммасидан қатъий назар, баҳолаб энг яхши таклифларни танлаб олиш йўли орқали амалга оширилади.

21. Харидлар комиссияси ишининг асосий мақсади иштирокчиларнинг таклифларини буюртмага мувофиқлик даражаси бўйича холис баҳолашдан ва давлат харидлари энг яхши таклифларни солиштирган ҳолда ғолибни (ғолибларни) аниқлашдан иборат.

22. Харидлар комиссияси қуйидаги вазифаларни бажаради:

танлов (тендер) ҳужжатларини келишати;

таклифлар қабул қилинадиган мuddатларни белгилайди;

таклифларни очиш тартиб-таомилини белгилайди;

таклифларни баҳолаш тартибини белгилайди;

таклиф киритиш тартибини, ҳажмини ва уни таъминлаш шаклини белгилайди;

харид қилиш тартиб-таомили иштирокчиларининг таклифларини очишни амалга оширади;

малака танловини ўтказати, агар танлов (тендер) ҳужжатлари шартларида бу назарда тутилган бўлса;

харид қилиш тартиб-таомилларини қонун ҳужжатларига мувофиқ амалга оширади;

харид қилиш тартиб-таомилларининг рақобатлашув турлари ижросини ва заҳира ижросини белгилайди ёки савдони амалга ошмаган деб топади.

23. Харидлар комиссияси таклифни баҳолаш ва таққослаш усулларини ҳамда мезонларини, шунингдек давлат харидларини амалга ошириш усулини танлаш тартибини ва уларнинг тартиб-таомилни белгилайди;

24. Харидлар комиссияси Банк Бошқарувининг қарорига асосан ташкил этилади, шакллантирилади ҳамда тугатилади.

25. Харидлар комиссияси камида 7 кишидан иборат таркибда тузилади.

26. Харидлар комиссияси зарурият юзасидан ййгилади.

27. Харидлар комиссияси тайинланган аъзоларининг камида 2/3 қисм аъзолари ййгилишда иштирок этган тақдирда Комиссия ваколатли ҳисобланади.

28. Харидлар комиссияси таклифларнинг энг мақбулини танлаш жараёнида таклифларни йўллаган шахслар билан шартнома шартлари бўйича музокаралар олиб бориш ҳуқуқига эга.

VIII. ИШЧИ ГУРУҲ

29. Товарлар (ишлар, хизматлар) харид қилиш бўйича танловлар Низомнинг 7-бандида келтирилган мезонлар асосида ўрганиб чиқилиб, таклифларнинг энг мақбулини аниқлашда Харидлар комиссиясининг ишчи гуруҳи масъул ҳисобланади. Харидлар комиссиясининг ишини ташкил этиш мақсадида комиссия қарори билан ёки Бошқарув раисининг буйруғи билан ишчи гуруҳ ташкил этилиши мумкин.

30. Агар комиссия қарорида бошқача ҳолат назарда тутилмаган бўлса Харидлар комиссиясининг ишчи гуруҳи - Ишлар бошқармаси ҳисобланади.

31. Банка товарлар (ишлар, хизматлар) харид қилиш бўйича зарурат бўлган ҳолларда Ишлар бошқармаси интернет саҳифасида эълон орқали жойлаштириб, оммавий ахборот воситалари ёки интернет тармоғидан керакли маълумотларни олади ва Харидлар комиссиясининг ишчи гуруҳига ҳужжатларни топширади.

32. Харидлар комиссиясининг ишчи гуруҳи Ишлар бошқармаси томонидан тақдим қилинган харид қилинадиган товарлар (ишлар, хизматлар)га оид маълумотларни интернет ёки бошқа оммавий ахборот воситалари орқали олинган маълумотлар билан солиштиради.

33. Харидлар комиссияси ишчи гуруҳи товарлар (ишлар, хизматлар)ни солиштиришда махсус билимлар талаб этилган ҳолларда Банкнинг тегишли таркибий тузилмасини ёки бошқа экспертларини жалб қилишга ваколатли.

34. Харидлар комиссияси ишчи гуруҳи барча келиб тушган таклифлар ва ййгилган эълонларни умумлаштириб, Харидлар комиссиясининг ййгилиш кун тартибига киритади.

35. Харидлар комиссияси ишчи гуруҳи кун тартибига киритилган масалалар бўйича Комиссия ййгилиши баённомасини расмийлаштиради ва баённома қарорларини тегишли масалага масъул бўлган ижросчиларга етказди.

36. Харидлар комиссияси ишчи гуруҳи комиссия қарорларини ижро қилади ва унинг якунида тегишли ҳужжатларни ўрнатилган тартибда архивга топширади.

IX. ТАНЛОВ ЯКУНЛАРИ БЎЙИЧА ШАРТНОМА ТУЗИШ

37. Танлов якунлари бўйича танланган шахс билан шартнома шартлари бўйича музокаралар олиб боради.

38. Музокаралар натижасига кўра шартнома лойиҳаси ишлаб чиқилади.

39. Харидлар комиссиясининг қарори, шунингдек шартнома лойиҳаси юзасидан Юридик хизматнинг хулосаси имзоланишига асос бўлиб ҳисобланади.

40. Шартнома нотариал тасдиқланиши лозим бўлган ҳолларда шартнома лойиҳаси ўрганиш учун Юридик бошқармага топширилмайди.

41. Шартнома давлат рўйхатидан ўтказилиши лозим бўлган ҳолларда шартнома имзоланганидан сўнг узоғи билан 20 кун ичида шартнома давлат рўйхатидан ўтказилиши лозим.



